

Багъчудин культури амрлгънд оньдин оньган ѳгч, сӓӓнӓр бӓрдӓхмн

Мана багъчудин культури некврнъ ѳдр ирвӓс ѳсӓд бӓӓнӓ. Эдн производствд сӓӓнӓр кӓдлсн деерӓн бас кӓдлмшӓс сул цаган культури кевӓр олзхар седнӓ.

Мана балгъснд бӓӓсн кино-театрин, культури Герин, библиотекин гермӓдин агъу багъ болсн учрар, кино, ду-бисонъсдж хӓлӓхӓр, культури кевӓр сул цаган олзхар седсн багъчудиг кӓццднъ тедн багтадж чадхш. Багъчуд культури кевӓр амрлгъан олзхин туск тӓриг эклц комсомольск организацсин комитетс гарддж бӓрдӓх зӓвтӓ.

Зӓрм комсомольск организацс эврӓннъ производствдан учрежденьслӓн сар болгън багъчудин нӓр-джиргъл кенӓ. Улгӓрнъ, тангъчин потребсоюзин эклц комсомольск организац, (сеглӓтрнъ ур С. Гавриш), нег нӓр-джиргълӓн „Ингъллгън болн уӓрлгън“ гидг темӓр кев. „1 Мая“ артелин эклц комсомольск организацд (сеглӓтрнъ ур А. Кобылкина), нӓр-джиргълнъ „Ингъллгън угагъар—хӓв-килг уга“ гидг темӓр кевдв. Шидр, Ленинӓ нертӓ колхозд комсомольск комитетин сеглӓтрин дарук ур В. Джиджиков „Багъчудин культури бӓӓдлнъ ямаран болх зӓвтӓв“ гидг тӓрӓр кӓуӓндӓ кедж, нӓр-джиргъл бӓрдӓв. Иим-ним, багъчуд-соньмсх нӓр-джиргълмӓд нань чигн кесг газрт болна.

Нӓр-джиргъл келгъӓн дахулн, самодетельностин кружокс, физкультурн кӓдлмш багъчуд дунд делгрӓлх кергтӓ.

Болв мана комсомольск организацс цугъар иим кӓдлмш делгрӓлхш. Культурин управленӓ эклц комсомольск организац (сеглӓтрнъ ур Тарасенко), тосхлтин 2-ч управленӓ комсомольск организац (сеглӓтрнъ ур Надбитов), нань чигн организацс сӓн кӓдлмш эклх бӓӓдл гаргъчкад, теру-гӓн хоосн цаасн деер улдӓнӓ. Зӓрмснъ кӓдлмш делгрӓлхӓр чигн, кружокс гардх кун чигн бӓӓсн бийснъ, багъчудин культури амрлгънд оньган ѳгхш.

Балгъсна культури Герода кӓртл кӓдлмшӓн ясрулхш. Аль-бис кружоктнъ багъчуд хӓтӓр, эдниг элвгӓр орцулдж, ду-бигъин, музыкальн кружокс олар бӓрдӓх кергтӓ.

Дакад мана багъчуд дунд нег ик дуту кӓдлмшнъ—физкультурн-спортивн кӓдлмш. Предприятъсд болн учрежденьсд физкультурн-спортивн кружокс ягъдж бӓрдӓгдджӓ-хиг балгъсна физкультурин комитет болн ДОСААФ оньган ѳгцӓхш.

Культурн кевӓр, сергмдж-тӓгъӓр багъчуд амрлгъан кецхӓх зӓвтӓ. Комсомольск комитетс цуцрлтан угагъар эн тӓрт оньган ѳгцӓхш зӓвтӓ.

Л. КОШЕНКО.

ВЛКСМ-н Элст балгъсна комитетин бюрон член.